

日京師醫工皆聚溫補鍼按無術不盡而痛不少減其子夜走謁修德修德素與元察弗協子哀求極切遂許之及診脈絕四支微冷大汗流灑面如撫鐵修德曰病勢至此猶事煎飲是樓上注眼藥也治法有灸而已矣能忍熱乎元察曰屈子一診死生唯命乃使之起灸微腹微腹近肋按之空鬆透徹于腹根下京門六十壯更臥之灸中脘一百壯而腹痛頓止增至二百五十壯明日左脈始生益用灸又一日夜右脈漸應食欲少進更灸上脘建里通谷等漸次復平修德曰今後務在餌養謹勿用俗醫不寒不熱之藥汁以誤調理再致毀敗因謂元察曰子是丈夫不思嫌隙以疾見託幸得成功吾亦有望于子子蒙上皇寵疾瘳而朝上必親問子無所隱諱詳言其狀上誠察灸治有功萬一聖恙乃用之推及公卿遐方小民傳聞放微則其益於世大矣是區々之志願願賴子發之元察許諾

〔醫心方〕針灸服藥吉凶日第七

針灸忌日華佗法云凡諸月朔晦節氣上下弦望日血忌反支日皆不可針灸治久病滯疾記在曆日又云冬至夏至歲旦此前三日後二日皆不可針灸及房室殺人大忌又云立春春分立夏夏至立秋秋分立冬冬至

右日忌不可針灸治病也

〔黃帝鍼灸甲乙經〕鍼灸禁忌第一上

黃帝問曰四時之氣各不同形百病之起皆有所生灸刺之道何者爲寶岐伯對曰四時之氣各有所在灸刺之道氣穴爲寶

故春刺絡脈諸榮大經分肉之間甚者深取之間者淺取之

〔拾芥抄〕下末人神

一日足大指

二日外踝

三日股內

四日腰左脇腎左右二寸

五日口或頤舌根

六日左右手或足大小指